

որ միմիայն հանր. նախագահը կարող է ունենալ 320 դահեկան:

Ուշադրութեան արժանի է, որ Շահամիրեանը մի յատուկ օրէնքով խրախուսում է հայրենի արդիւնագործութիւնը, խողովրդից ազատելով բոլոր նրանց, որ կը հազնեն երկրում պատրաստած կտորներից հագուստ: Թէեւ միաժամանակ այն էլ պիտի աւելացնել, որ նա այդ անում է միմիայն բարոյական շարժառիթներից դրդուած:—

«Ամէն ոք — ասում է նա — ազատապէս կարող է հազնել հայոց աշխարհում պատրաստած կտորներից. իսկ նրանք, որ ձգտում են հազնելու օտար աշխարհի ձեռագործներ, արու թէ էգ, իշխան թէ պաշտօնեայ, նրանք պետութեանը վճարում են տարեկան 20 դահեկան՝ իրենց անապարծութեան համար, որովհետեւ նրանք ուզում են աւելի փայլել ընդհանուրի մէջ» (յՊԹ):

Մի անգամ ընդմիջտ սահմանուած մուտքերով — տասանորդ, մաքս, հարկ եւ այլ բազմազան տուրքեր — պետական դանձրանը պիտի մտնեն, ըստ Շահամիրեանի — հսկայական դումարներ, որոնց մի մասով պետութեան բոլոր ընթացիկ եւ արտակարգ ծախսերը հոգալուց յետոյ — ուժիկ, դպրոցներ, ճանապարհներ, խնամատարութիւն են. — մի խոշոր մասն էլ մնում է անաղնկալ դէպքերի համար կամ կազմում պետութեան Փոնար:

Որպէս վերջաբան՝ այս գլխի՝ տեսնենք, թէ մեր հեղինակը ինչպիսի դրամական սխտամ է առաջարկում ապագայ Հայաստանի համար: Պարզ է, որ թղթադրամի մասին խօսք լինել չի կարող: Բոլոր դրամները մետաղից են — ոսկի, արծաթ, պղինձ եւ կապար: Միաւորը դահեկանն է: Դրամի ծանրութիւնը, բոլոր տեսակների համար է 24 դրէթ*): Դրամ կտրելու իրաւունքը միայն պետութեան է պատկանում: Դրամի մի երեսում պիտի լինի «նշան տէրունական սուրբ խաչի, թուաւ ժամանակի տպման», իսկ միւս երեսում «գրեցեալ բարի կացութիւն հայոց եւ անուն տեղի»:

*) «Դրէթ» հաւանօրէն կարատ բառն է, որ հաւասար է 1/4 դրամին կամ ոռու. մէկ տասնըվեցերորդ մսխալին:

որում տպեցի» (նիգ): Մասնաւոր մարդիկ իրենց ունեցած ոսկին, արծաթը, պղինձը եւ կապարը կարող են տալ պետութեանը՝ դրամ կտրելու, բայց վճարելով դրա համար հազարին երկուս ու կէս (նծ, նծգ):

ԴԱՏԱՍՏԱՆԱԿԱՆ ԿԱՐԳԵՐ

Շահամիրեանի ամենից փայտաբայ ճիւղն արկութիւնը դատարանն է, որովհետեւ հայ ժողովրդի փրկութեան ու երջանկութեան ամենագլխաւոր աղբիւրը օրէնքն է, իսկ օրէնքի պաշտարանն ու գործադրողը դատարանն է: Դատարանին ենթարկուած են ամէնքը — սկսած հանր. նախագահից եւ ամենայն հայոց կաթողիկոսից մինչեւ վերջին քաղաքացին: Դատարանն է, որ ամէն մարդու հատուցանում է իր գործերի համեմատ — բարիին բարի եւ չարին չար:

Սակայն, դարմանալի է, որ դատարանին այդքան մեծ իշխանութիւն եւ իրաւունքներ ընծայելով հանդերձ, մեր հեղինակը մերժում է դատաւորների անկախութեան սկզբունքը, — մի հանգամանք, որ միանգամայն անհատելի է դատարանի այդքան մեծ հեղինակութեան հետ: Նրա համար դատաւորները եւս պետական նոյնպիսի պաշտօնեաներ են, ինչպէս, օրինակ, զինուորական եւ վարչական պաշտօնեաները: Նրանք անփոփոխելի չեն. նրանք էլ ընտրւում են Ազգ. ժողովից, ընտրւում են 3 տարով եւ ուրեմն կախումն ունեն իրենց ընտրողներից:

Աւելի. նահանգական կամ շրջանային դատաւորները — մեր ներկայ արտայայտութեամբ — նոյնիսկ կախումն ունեն իրենց նահանգի կուսակալից կամ իշխանից: Եւ այդ կախումը հասնում է մինչեւ յիստեղ, որ դատարանի ութ անդամները ընտրւում եւ վաւերացւում են իշխանի համաձայնութեամբ. որ քրէական դատերի ժամանակ — ինչպէս տեսանք — իշխանը կամ նահանգապետը, ամենաբարձր աստիճանի վրայ բազմելով, ինքն է կարողում դատարանի վճիռը, կարծէք նա լինի դատարանի նախագահը (չէ):

Դրա փոխարէն, դատաւորներից նա պահանջում է անձնական մի շարք բարեմասնութիւններ, որով նրանք կարողանային իրենց բարձր պաշտօնը ըստ արժանւոյն կատարել: